

Siunnersuummut nassuiaatit

## **Nalinginnaasumik nassuiaatit**

### **1. Aallaqqaasiut**

Inatsisartut Suleriaasianni § 37-ip 1. juli 2020-mi atuutilersussamik allanngortinneqarnissaa UKA2019-imi Inatsisartut akuersissutigaat.

Siunnersuutip matuma siunertaraa aalajangersakkap pineqartup aamma Inatsisartut Naalakkersuisullu pillugit Inatsisartut inatsisaanni aalajangersakkap Inatsisartunut ilaasortanit apeqqutitut akissuteqartarnissamut Naalakkersuisut pisussaaffeqarnerannut tunngasup akornanni tamakkiisumik naapertuuttoqalernissaata qularnaarneqarnissaa.

Taamaalilluni siunnersuut juulip ulluisa aallaqqaataanniit inatsiseqartitsinikkut pissutsinik atuuttunik allanngortitsissanngilaq.

### **2. Siunnersuummi immikkoortut pingaarnertit**

#### *2.1. Inatsisartunut ilaasortanit apeqqutit*

Inatsisartut inatsisaanni § 12-ip nutaamik oqaasertalernerneqarnissaa siunnersuutigineqarpoq. Aalajangersakkami tassani Naalakkersuisunut apeqquteqarnikkut pisortat suliassaataat pillugit Inatsisartunut ilaasortat paasissutissanik pissarsiniarsinnaatitaanerat malittarisassaartinneqarpoq. Aalajangersagaq taanna malillugu Inatsisartunut ilaasortat apeqqutigisinnaasaat aamma ”§ 37 malillugu apeqqutinik” taaneqartartutut ilisimaneqarput, apeqquteqartarnermut suleriaaseq Inatsisartut Suleriaasianni § 37-imi allaaserineqarsimammat.

Inatsisartut suleriaasianni apeqqutinik taamaattunik saqqummiussisarnermut akissuteqartarnermullu suleriaatsimut malittarisassat sukumiinerusut § 37-imi aalajangersarneqarput. 2019-imi ukiakkut ataatsimiinnerup tungaanut imm. 2-mi aalajangersagaq taanna aamma qaqugukkat Naalakkersuisut apeqqummut akissuteqarsinnaanatik nalunaaruteqarsinnaanerannut naatsumik allaaserinninnermik imaqarsimavoq. Tamanna pillugu manna aalajangersarneqarsimavoq: ”*Naalakkersuisut apeqqut akissuteqarfigninnaanagu nalunaarpata suliarinera taamaalilluni naammassineqassaaq.*”

Taamatut oqaasertaliisimaneq ukiuni kingullerni nalorninernik pilersitsisarsimavoq, pisuni arlalinni akissuteqarnissamut pisussaaffiup kiisalu piumasaqaatit § 37 malillugu apeqqutinut atuuttut sumut killeqarneri Naalakkersuisunit apeqquserneqartarsimmata.

Taamaattumik Inatsisartut 2019-imi ukiakkut ataatsimiinnerminni oqaluuserisassani immikkoortumi UKA 2019/26-mi suleriaatsimik, ilaatigut § 37-ip, allanngortinneqarnissaanik akuersissuteqarput. Allanguutikkut ilaatigut § 37 malillugu apeqquteqartarnermut suleriaaseq Naalakkersuisullu akissuteqarnissamut pisussaaffiat erseqqissarneqarput. Akissuteqartussaataitaneq eqqarsaatigalugu § 37-ip nutaamik oqaasertalerneqarnerata malitsigaa Naalakkersuisut Inatsisartunut ilaasortanit apeqqutinut akissuteqartarnissaminnut pisussaaffeqarmata pisut makku eqqarsaatigissannngikkaanni:

- Naalakkersuisut paasissutissanik akissuteqarnissaminnut atugassaminnik pissarsisinnaanngippata.
- Malunnartumik piffissaq nukissallu paasissutissanik akissuteqarnissamut atugassanik pissarsiniarnermut atortariaqassappata.
- Paasissutissat kissaatigineqartut nipangiussisussaataitanermut ilaatinneqarpata.

Suleriaatsimi § 37-p allanngortinneqarnissaa pineqartoq aatsaat ulloq 1. juli 2020 atuutilissaaq. Inatsisartut Siulittaasoqarfiata Inatsisartut Naalakkersuisullu pillugit Inatsisartut inatsisaanni § 12-ip allanngortinneqarnissaanik siunnersuuteqarnissamut piffissaqarnissaa taamaaliornikkut siunertarinqarsimavoq, taamaalilluni allanngortitsinerup atuutilerneraniit Naalakkersuisunut apeqqutit pillugit suleriaatsimi Inatsisartullu inatsisaanni aalajangersakkat akornanni tamakkiisumik naapertuuttoqarnissaa qularnaarniarlugu.

Siunnersuutip matuma malittarisassani marlunni pineqartuni aalajangersakkat kiisalu taakkununga inatsimmut nassuiaatit akornanni taamatut naapertuuttoqarnissaata qularnaarneqarnissaa siunertaraa.

Taamaallaat aalajangersakkat Inatsisartunut ilaasortat Naalakkersuisunut apeqquteqarnikkut paasissutissanik pissarsiniarsinnaatitaanerat Naalakkersuisullu akissuteqarnissamut pisussaaffeqarnerat pillugit suleriaatsimi pingaarnerusutut aalajangersakkanut naapertuuttut inatsisissatut siunnersuummi ilanngunneqarput. Taamaalilluni apeqquteqartarnissamut akissuteqartarnissamullu suleriaatsit sukumiinerusut pillugit aalajangersakkat inatsisissatut siunnersuummut ilanngunneqanngillat, taamatut malittarisassaqaartitsineq suli Inatsisartut Suleriaasianniittariaqarmat.

Apeqquaqarsinnaaneq eqqarsaatigalugu oqaasertaliisimanerup allanngortinneqarneranut tunuliaqutaasut sukumiinerusumik paasisaqarfigerusukkaanni UKA2019/26-mut nassuiaatit innersuussutigineqarsinnaapput, minnerunngitsumik immikkoortoq ”2.6. § 37 naapertorlugu apeqqutinik saqqummiussisarnermut suleriaatsimik erseqqissaaneq”. Tassani ilaatigut takuneqarsinnaavoq Inatsisartunut ilaasortat § 37 malillugu apeqquaqarsinnaanerat Inatsisartut Naalakkersuisunik nakkutiginninnerannut ilaasoq, akissuteqaataasartullu Inatsisartut inatsisiliortussaataasutut aningaasaliissutinillu akuersissuteqartussaataasutut ingerlatsineranni ilaasortat ataasiakkaat peqataanerannut sakkussaallutik pingaarutillit. Akissuteqaatit tamanut saqqummiunneqartarnerisigut Naalakkersuisut suliaat inuiaqatigiinnilu pissutsit pillugit innuttaasut paasisimasaqarnissaat peqatigitillugu qularnaarneqartarpoq. Taamaattumik Naalakkersuisut akissuteqarnissamut pisussaaffiata killilerneqarnissaanut siunnersuutigineqartukkut § 37 malillugu apeqqutit akissuteqarfineqarnissaannut pisussaaffiup pisariaqanngitsumik killilerneqannginnissaa pingaartutut isiginiarneqarsimasut ilagaat.

2.2. *Inatsimmik atuuttumik allannguutissatullu siunnersuummik sanilliussineq*

<b>Siunnersuut inatsimmut atuuttumut sanilliullugu</b>	
<i>Oqaasertalerneqarsimanagera atuuttoq</i>	<i>Allannguutissatut siunnersuut</i>
	<b>§ 1</b>  Inatsisartut Naalakkersuisullu pillugit Inatsisartut inatsisaanni nr. 26-mi, 18. november 2010-meersumi, inatsisartut inatsisaatigut nr. 12-ikkut, 29. november 2013-imeersukkut aamma Inatsisartut inatsisaatigut nr. 30-ikkut 9. december 2015-imeersukkut allanngortinneqartumi, makku allanngortinneqassapput:
<b>§ 12.</b> Inatsisartunut ilaasortaq pisortat suliassaqarfii pillugit paasissutissanik pissarsinissaminik kissaateqarpat, tamanna	<b>1. § 12</b> ima oqaasertalerneqassaaq: ” <b>§ 12.</b> Inatsisartunut ilaasortaq pisortat suliassaataat pillugu paasissutissinneqarnissaminik kissaateqarpat, tamanna Naalakkersuisunut apeqquaqarnikkut pisinnaavoq.

<p>Naalackersuisunut apeqquteqarnikkut pisinnaavoq.</p>	<p><i>Imm. 2.</i> Naalackersuisut apeqqummut akissuteqarnissaminnut pisussaaffeqanngillat:  1) Naalackersuisut paasissutissanik akissuteqarnissaminnut atugassaminnik pissarsisinnaanngippata,  2) malunnartumik piffissaq nukissallu paasissutissanik akissuteqarnissamut atugassanik pissarsiniarnermut atortariaqassappata, imaluunniit  3) paasissutissat kissaatigineqartut nipangiussisussaataitanermit ilaatinneqarpata.”</p>
	<p style="text-align: center;"><b>§ 2</b></p> <p>Inatsisartut inatsisaat ulloq 1. juli 2020 atuutilissaaq.</p>

### **3. Pisortanut aningaasatigut allaffissornikkullu kingunerisassai**

Inatsisartut Suleriaasianni § 37-ip 1. juli 2020-mi atuutilersussamik allanngortinneqarnissaa UKA2019-imi Inatsisartut akuersissutigaat.

Siunnersuutip matuma siunertaraa aalajangersakkap pineqartup aamma Inatsisartut Naalackersuisullu pillugit Inatsisartut inatsisaanni aalajangersakkap Inatsisartunut ilaasortanit apeqqutinut akissuteqartarnissamut Naalackersuisut pisussaaffeqarnerannut tunngasup akornanni tamakkiisumik naapertuuttoqalernissaata qularnaarneqarnissaa.

Taamaalilluni siunnersuut juulip ulluisa aallaqqaataanniit inatsiseqartitsinikkut pissutsinik atuuttunik allanngortitsissanngilaq, taamaattumillu aamma – immikkut isigalugu – pisortanut aningaasatigut allaffissornikkullu kinguneqassanani.

Naalackersuisut akissuteqarnissamut pisussaaffiata erseqqissarneqarnerata UKA2019-imi akuersissutigineqartup aningaasatigut allaffissornikkullu kingunerisassai eqqarsaatigalugit UKA2019/26-imut nassuiaatit innersuussutigineqarput.

### **4. Inuussutissarsiornermut aningaasatigut allaffissornikkullu kingunerisassai**

---

UPA 2020/168

Suliaq nr.: 01.25.01/20UPA-LABU-00168

Siunnersuut inuussutissarsiornermut kinguneqassanngilaq.

**5. Avatangiisinut, pinngortitamut innuttaasullu peqqissusiannut kingunerisassai**

Siunnersuut avatangiisinut, pinngortitamut innuttaasulluunniit peqqissusiannut kinguneqassanngilaq.

**6. Innuttaasunut kingunerisassai**

Siunnersuut innuttaasunut aningaasatigut allaffissornikkulluunniit kinguneqassanngilaq.

**7. Kingunerisassai pingaarutillit allat**

Siunnersuut pingaarutilinnik allanik kinguneqassanngilaq.

**8. Oqartussanik suliniaqatigiiffinnillu il.il. tusarniaaneq**

Siunnersuut piffissami 2020-mi marsip ulluisa aallaqqaataanniit 21-annut Naalakkersuisut Siulittaasuata Naalakkersuisoqarfianut Aningaasaqarnermullu Naalakkersuisoqarfimmut tusarniaatigineqarsimavoq.

Siunnersuut tamanut tusarniaatigineqarsimanngilaq, aallaavittut innuttaasut inatsisitigut inissisimanerannut sunniuteqartussaannngimmat, taamaallaalli Inatsisartut Naalakkersuisullu akornanni suleqatigiinnermut, kiisalu oqartussat taakku sulinerannut tamatumunngalu atugassarititaasunut, tunngammat.

Aningaasaqarnermut Naalakkersuisoqarfik tusarniaanermut akissuteqarsimavoq. Tulliuttuni tusarniaanermut akissutip imarisai ilanngunneqarput, taakkununngalu oqaaseqaatit uingasunik allallugit ilanngunneqarlutik.

Naalakkersuisoqarfiup maluginiarpaa § 12-imut imm. 2-mik nutaamik ilassuteqartoqarnissaanik siunnersuut UKA2019-imi suleriaatsimi § 37-ip allanngortinneqarnerata akuersissutigineqartup assigigaa. Naalakkersuisoqarfik suli isumaqarpoq annertusiineq tamatumani akuersissutigineqartoq § 37 malillugu apeqqutit akissuteqarfigineqartarnerannut nukissanik atuinerulernermik kinguneqarumaartoq, soorlu aamma ajoraluartumik apeqqutit nassuiaateqarnermut imaluunniit annertunerusumik qulaajaanermut atatillugu akissuteqarfigineqartussatut innersuussutigineqarsinnaanerat ajornarnerulersimasoq.

*Siunnersuutip aningaasatigut allaffissornikkullu kingunerisassaasa nassuiaatigineqarnerat erseqqissarneqarsimavoq Inatsisartut Suleriaasiata kingullermik allanngortinneqarneranut nassuiaatit naapertorlugit.*

*Apeqqutit nassuiaateqarnernut imaluunniit annertunerusumik qulaajaanernut atatillugu akissuteqarfigineqarnissaannut innersuussisinnaaneq eqqarsaatigalugu siunnersuut allannguutininik kinguneqassanngilaq.*

*Taamaalilluni siunnersuummi § 12, imm. 2, nr. 2-p oqaasertalerneqarnissaanut siunnersuutigineqartup malitsigissavaa Naalakkersuisut apeqqummut akissuteqarnissamut pisussaaffeqanngimmata “malunnartumik” piffissaq nukissallu paasissutissanik akissuteqarnissamut atugassanik pissarsiniarnermut atortariaqassappata.*

*Inatsisartut Naalakkersuisullu pillugit Inatsisartut inatsisaanni atuuttumi § 12-imut nassuiaatini oqaatigineqarpoq Naalakkersuisut apeqqut erseqqinnerusumik qulaajarniarlugu tamanna pisariaqarpat “naleqquttumik ilungersuuteqartariaqartut”.*

*§ 12, imm. 2, nr. 2-p oqaasertalerneqarnissaanut siunnersuutigineqartup kingullermik allanngortitsinerup kingorna suleriaatsimi § 37, imm. 2, nr. 2-p, 1. juli 2020-mi atuutilersussap assigaa. Suleriaatsip allanngortinneqarneranut nassuiaatini ilisimatitsissutigineqarpoq taamatut oqaasertaliinikkut ullumikkut suleriaasiusimasup allanngortinneqarnissaa siunertarineqanngitsoq.*

*Taamaalillutik Naalakkersuisut assersuutigalugu § 37 malillugit apeqqummut akissuteqarnissaminut pisussaaffeqassanngillat, akissuteqarnissamut annertuumik paasissutissanik katersinissaq sukumiisumillu nalilersuilluni misissuinerit pisariaqassappata.*

*§ 37, imm. 2, nr. 1 innersuussutigalugu § 37 malillugu apeqqutip akissuteqarfigineqarnissaa Naalakkersuisut itigartippassuk siunnersuuteqartoq tamatuma kingorna pisariaqarpat aalajangiiffigisassatut siunnersuummik saqqummiussaqaarsinnaavoq paasissutissat kissaatigineqartut pissarsiarineqarnissaannik Naalakkersuisunik peqqusisumik. Taamaalilluni Inatsisartut aalajangigassarilissavaat suliaq imatut pingaaruteqartiginersoq allaffissornikkut nukissat pisariaqartut suliamut immikkoortinneqartariaqassallutik.*

Naalakkersuisoqarfiup eqqaasitsissutigaa Inatsisartut UPA2019-imi oqaluuserisassani immikkoortutut 107-it una akuersissutigimmassuk: “Aningaasartuutit suulluunniit Inatsisartunit taakkulu allattoqarfianit aningaasartuutigineqartut kikkunnit tamanit takuneqarsinnaanngornissaat pillugu taamatullu kikkut tamarmik paasiniaasinnaanngornissaat pillugu Inatsisartut Suleriaasiata allanngortinnissaanut Inatsisartut Siulittaasoqarfiat siunnersuuteqaqqullugu peqquneqarnissaanik Inatsisartut aalajangiiffigisassaattut siunnersuut”. Inatsisinut ataatsimiititaliap immikkoortumut isumaliutissiissutaani

oqaatigineqarpoq malittarisassat taamaattut eqqunneqarnissat kissaatigineqarpat tamatuma Inatsisartut Suleriaasianni aalajangersarneqarani inatsimmi aalajangersarneqarnissaa Ombudsmandip kaammattuutigigaa.

Naalakkersuisoqarfiup allannguutit pineqartut siunnersuummut matumunnga ilanngunneqaqquai.

*Ilumoorpoq Ombudsmandip (UPA2019/107-imut Inatsisinut ataatsimiititaliap isumaliutissiissutaani ilisimatitsissutigineqartut) kaammattuutigimmagu Ombudsmandeqarfiup aningaasartuutininut uppernarsaataanik paasitinneqarsinnaatitaaneq pillugu malittarisassiortoqassappat taakku inatsisitigut aalajangersarneqartariaqartut.*

*UPA 2019/107-ip oqaluuserineqarnerani taamaalilluni Ombudsmandip Inatsisartunut akissummini ilisimatitsissutigaa Ombudsmandeqarfik qaqutiguinnaq (immaqa ukioq ataaseq allortarlugu) allagaatinik paasitinneqarnissamik qinnuteqaatinik tigusaqartarmat Ombudsmandeqarfiullu tamatigut qinnuteqaatit taamaattut akuerisarmagit, qinnuteqaat pisortat ingerlatsinerat pillugu paasitinneqarsinnaatitaaneq pillugu inatsimmi allagaatinik paasitinneqarnissamut akerliunngippat. Aningaasartuutininut uppernarsaatinik paasitinneqarnissamik qinnuteqaatinik Ombudsmandi tigusaqanngisaannarsimavoq, kisiannili taamatut aningaasartuutininut uppernarsaatinik paasitinneqarnissamik qinnuteqaammik tigusaqartoqassappat, taakku aamma nalinginnaasumik najoqqutassat malillugit suliarineqarumaarmata. Tamanna tunngavigalugu Ombudsmandip atorfeqarfimmi uppernarsaatinik paasitinneqarnissamik qinnuteqarnerup naammassineqartarnissaanik Ombudsmandimik peqqusisunik aalajangersaasoqarnissaanik pisariaqartitsisoqarnera takujuminaatsissimavaa. Inatsisartulli tamanna allatut nalilissagaluarpassuk Ombudsmandi tamatumunnga oqaaseqaatissaqannginnerarpoq.*

*Taamaattorli Ombudsmandip kaammattuutigaa aalajangersakkat atorfeqarfiup aningaasartuutininut uppernarsaataanik paasitinneqarsinnaanissamik Ombudsmandimik pisussaaffiliisut taamaattoqassappat Inatsisartut Suleriaasianni aalajangersarneqaratik inatsisikkut aalajangersarneqartariaqartut. Inatsisartut Ombudsmandiat pillugu Inatsisartut inatsisaanni § 6, imm. 1 naapertorlugu Ombudsmandi suliaminik ingerlatsinermini Inatsisartunut attuumassuteqannginnera taamatut kaammattuuteqarnermut tunngaviuvoq.*

*UPA 2019/107-ip Inatsisartunit akuersissutigineqarneratigut Inatsisartut Siulittaasoqarfiat qinnuigineqarpoq Inatsisartut Suleriaasiata allanngortinneqarnissaanik siunnersuuteqaqqullugit, “aningaasartuutit suulluunniit Inatsisartunit taakkulu allattoqarfianit aningaasartuutigineqartut kikkunnit tamanit takuneqarsinnaanngornissaat*

*pillugu taamatullu kikkut tamarmik paasiniaasinnaangornissaat pillugu”.  
Aalajangiiffigisassatut siunnersuutip oqaasertalerneqarsimaneratut Inatsisartut ataanni  
suliffeqarfiit (Ombudsmandi) ilaatinneqanngillat.*

*Inatsisartut aalajangernerat taamaalilluni Siulittaasoqarfimmik pisussaaffiliinngilaq  
aningaasartuutit suugaluartulluunniit Inatsisartut Ombudsmandiannit  
aningaasartuutigineqartut paasitinneqarsinnaatitaanermut ilaatinneqarnissaat  
aalajangersarlugu siunnersuuteqarnissamut – Siulittaasoqarfilli taamaaliornissaminut  
soorunami mattunneqanngilaq.*

*Siunnersuummik taamaattumik saqqummiussisoqassanersoq ullumikkut Siulittaasoqarfiup  
inaarutaasumik suli isummerfiginngilaa.*

*Siulittaasoqarfiup maluginiarpaa Inatsisartut Ombudsmandiat pillugu Inatsisartut  
inatsisaanni § 6, imm. 2 tunngavissiisoq “Inatsisartut Ombudsmandip sulinera pillugu  
aalajangersakkanik nalinginnaasunik aalajangersaasinnaanerannut”. Siulittaasoqarfiulli  
Ombudsmandip kaammattuutaa taamatuttaaq maluginiarpaa.*

*Tamanna tunngavigalugu periarfissaq isumaliutigineqarsinnaasoq taamaalilluni tassaavoq  
Inatsisartut Ombudsmandiat pillugu Inatsisartut inatsisaanni Ombudsmandeqarfiup  
aningaasartuutaanut uppersaatit paasitinneqarsinnaatitaaneq pillugu  
aalajangersakkamik ilanngussinissaq.*

*Inatsisartut allaffeqarfiatalu aningaasartuutaanik paasitinneqarsinnaatitaaneq  
eqqarsaatigalugu Inatsisartut aalajangernerata akuersissutigineqartup malitsigaa tamanna  
pillugu aalajangersakkat Inatsisartut Suleriaasianni aalajangersarneqassammata.  
Suleriaatsip allangortinneqarnissaanik siunnersuut suliarineqaleruttorpoq. Siunnersuut  
Inatsisartut aalajangernerata timitalerneqarnissaanut aalajangersakkanik imaqarpoq.*

## **Siunnersuummi aalajangersakkanut ataasiakkaanut nassuiaatit**

### *§ 1-imut*

Nr. 1-imut

---

UPA 2020/168

Suliaq nr.: 01.25.01/20UPA-LABU-00168



Inatsisartut Naalackersuisullu pillugit Inatsisartut inatsisaat atuuttoq § 12-imi aalajangersagartaqarpoq, taanna malillugu Inatsisartunut ilaasortaq pisortat suliassaataat pillugu paasissutissanik pissarsiniarsinnaalluni Naalackersuisunut apeqquteqarnikkut.

Imm.1-imut

Imm. 1 imarisamigut allangortinnagu ingerlateqqinneqarpoq.

Inatsisartut Suleriaasiat aalajangersakkamik assinganik oqaasertalimmik imaqarpoq (§ 37, imm. 1, oqaaseqatigiit siulliit).

§ 37 malillugu apeqqutit “pisortat suliassaataannut” tunnganissaat suli piumasaqaataavoq.

”Pisortat suliassaataannik” oqarnek tamatigoortumik paasineqassaaq, tassanilu pineqarlutik pissutsit tamarmik pisortanit malittarisassiuunneqarsinnaasut aalajangiivigineqarsinnaasulluunniit imaluunniit allatigut ataatsimut inuiaqatigiinni soqutigisanik attuisut, tassunga ilanngullugit aamma assersuutigalugit pissutsit aktiaateqarluni ingerlatseqatigiiffinnut namminersorlutik oqartussanit pigineqartut ingerlatsinerinut tunngasut.

§ 37 malillugu apeqqutip pisortat suliassaataannut tunnganissaanik piumasaqaatip Naalackersuisunut ilaasortap nammineq inuttut atugai pillugit apeqquteqarsinnaaneq mattuppaa.

Suliassamut Naalackersuisut aalajangiivigisimasaannut partiit naalackersuisuutitaqartut ataasiakkaat qanoq isummersimanagerat pillugu § 37 malillugu apeqqutip akissuteqarfigineqarnissaa Naalackersuisut ulluinnarni ingerlatsinerminni itigartinnikuuaat. Suleriaatsip tamatuma allangortinneqarnissaa aalajangersakkami siunertarineqanngilaq. Taamaattoq Naalackersuisut pisussaaffeqartariaqarput naalackersuisunut ilaasortat akisussaassuseqarnerat pillugu Inatsisartut inatsisaanni § 4 tunngavigalugu inatsisitigut naalackersuisunut ilaasortatut akisussaatsisoqarsinnaanersoq paasiniarlugu § 37 malillugu apeqqutit akissuteqarfigissallugit.

”Paasissutissinneqarnissamik” oqarnermi pissusiviusut inatsisitigullu pissutsit atuuttut pillugit paasissutissat kiisalu naalackersuinikkut naliliinerit siunertallu pillugit paasissutissat pineqarput.

Apeqqutit ulluinnarni nalinginnaasumik ”Naalackersuisunut” sammisinneqartarput, Naalackersuisunut ilaasortanut ataasiakkaanut sammisinneqaratik. § 37 malillugu apeqqut

qaqutigoortumik Naalakkersuisunut ilaasortamut aalajangersimasumut sammisineqassagaluarpat, taava apeqqut pineqartoq aallaavittut naatsorsuutigineqartariaqarpoq Naalakkersuisunut ilaasortamit pineqartumit akissuteqarfigineqassasoq. § 37 malillugu apeqqutip Naalakkersuisunut ilaasortamut aalajangersimasumut sammisineqarneratali Naalakkersuisut pituttunngilai apeqqutip ilaasortamit pineqartumit pinngitsoorani akissuteqarfigineqarnissaanut. Tamanna Inatsisartut Naalakkersuisullu pillugit Inatsisartut inatsisaanni § 23, imm. 1-ip malitsigaa, taanna malillugu Naalakkersuisut Siulittaasuata Naalakkersuisut akornanni suliassa qarfiit agguataartarmagit.

Imm. 2-mut

Naalakkersuisunut ilaasortat akisussaassuseqarnerat pillugu Inatsisartut inatsisaanni § 6, imm. 2 naapertorlugu Naalakkersuisut atorfirminnut atatillugu pisussaaffeqarput eqqortunik takutitsisunik tamakkiisunillu akissuteqartarnissaminnut. Tassani aalajangersarneqarpoq Naalakkersuisunut ilaasorta qequnngitsunik paasinerluutaasinnaasunilluunniit Inatsisartunut paasissutisseeqqusaanngitsoq. Naalakkersuisunut ilaasorta q taamatuttaaq Inatsisartut oqaluuserisassamik oqaluuserinninneranni paasissutissanik oqaluuserisap inatsisartunit aalajangiiffigineqarnissaanut annertuumik pingaaruteqartunik nipangiusseeqqusaanngilaq.

Naalakkersuisut tamakkiisumik akissuteqarnissamut pisussaaffeqarnerata akissuteqaatip sukumiisuunissaa malitsigisariaqanngilaa. Paasissutissat ujartorneqartut kikkunnit tamanit pissarsiarineqarsinnaareerpata, assersuutigalugu nittartakkami siusinnerusukkulluunniit nalunaarusiaasimasumi, paasissutissat sumi nassaarineqarsinnaanerannut innersuussinissaq naammassaaq. Innersuussinerli naammattumik erseqqissuseqartariaqarpoq apeqquteqartup paasissutissat kissaatigineqartut annerusumik ajornartorsiutitaqanngitsumik nassaarisinnaaniassammagit.

Imm. 2-mi Naalakkersuisut akissuteqarnissaminnut pisussaaffiat killilerneqarpoq, § 37 malillugu apeqqummot akissuteqarnissamut qaqugukkut Naalakkersuisut pisussaaffeqannginnersut aalajangersakkami nalunaarneqarmata.

Tamatumani siullertut pineqarpoq Naalakkersuisut paasissutissanik akissuteqarnissaminnut atugassaminnik pissarsisinnaanngikkaangata (imm. 2, nr. 1).

Aappaattut pineqarpoq “malunnartumik” piffissaq nukissallu paasissutissanik akissuteqarnissamut atugassanik pissarsiniarnermut atortariaqassappata (imm. 2, nr. 2).

Inatsisartut Naalakkersuisullu pillugit Inatsisartut inatsisaanni § 12-imut nassuiaatini

atuarneqarsinnaavoq Naalakkersuisut apeqqut erseqqinnerusumik qulaajarniarlugu tamanna pisariaqarpat “naleqquttumik ilungersuuteqartariaqartut”. Imm. 2, nr. 2-p oqaasertalerneqarnissaanut siunnersuutigineqartup ersersippaa tamanna qanoq paasineqassanersoq. Taamatulli oqaasertaliinikkut ullumikkut suleriaasiusimasup allanngortinneqarnissaa siunertarineqanngilaq.

Taamaalillutik Naalakkersuisut assersuutigalugu § 37 malillugit apeqqummut akissuteqarnissaminnut pisussaaffeqassanngillat, akissuteqarnissamut annertuumik paasissutissanik katersinissaq sukumiisumillu nalilersuilluni misissuinerit pisariaqassappata.

§ 37, imm. 2, nr. 1 innersuussutigalugu § 37 malillugu apeqqutip akissuteqarfigineqarnissaa Naalakkersuisut itigartippassuk siunnersuuteqartoq tamatuma kingorna pisariaqarpat aalajangiiffigisassatut siunnersuummik saqqummiussaqaarsinnaavoq paasissutissat kissaatigineqartut pissarsiarineqarnissaannik Naalakkersuisunik peqqusisumik. Taamaalilluni Inatsisartut aalajangigassarilissavaat suliaq imatut pingaaruteqartiginersoq allaffissornikkut nukissat pisariaqartut suliamut immikkoortinneqartariaqassallutik.

Kiisalu pingajuattut paasissutissat kissaatigineqartut nipangiussisussaataitanermut ilaatinneqarpata.

Pisortat ingerlatsineranni suliassat suliarineqartarnerat pillugu Inatsisartut inatsisaanni § 27, imm. 1 naapertorlugu paasissutissaq inatsisitigut imaluunniit aalajangersakkakut atortuusukkut allakut tassaaneragaappat allanut oqaatigeqqunngisaq, imaluunniit aamma pisariaqarpat isertuutissallugu pisortat inuinnaalluunniit soqutigisaat pingaaruteqartut pissutigalugit.

Ilaatigut soqutigisat uku Inatsisartut inatsisaanni immikkut erseqqissarneqarput:

- Naalagaaffiup isumannaatsuunissaa illersorneqarnissaaluunniit.
- Naalagaaffiup nunani allani naalakkersuinikkut imaluunniit aningaasarsiornikkut soqutigisai, tamakkununnga ilanngullugit naalagaaffinnut allanut pissaanilinnut imaluunniit naalagaaffiit assigiinngitsut soqutigisaannut tunngasut.
- Akileraartarnermut akitsuuteqartitsisarnermullu inatsisit naapertorlugit pisortatigut misissuineq, killilersuineq imaluunniit pilersaarusiortarnek imaluunniit iliuserissamaakkatut eqqarsaatigineqartut.
- Pisortat aningaasanut tunngasutigut soqutigisaat, tamakkununnga ilanngullugu pisortat niuernerimik ingerlatsinerat.
- Inuit ataasiakkaat imaluunniit ingerlatsiviit namminersortut imaluunniit peqatigiiffiit imminnut tunngasut, tamakkununnga ilanngullugit aningaasarsiornermut tunngasut,

pillugit paasisutissanik illersuimallutik soqutigisaat.

- Inuit ataasiakkaat imaluunniit ingerlatsiviit imaluunniit peqatigiiffiit teknikkikkut atortorisat imaluunniit periaatsit pillugit imaluunniit ingerlatsinermut imaluunniit niuernermit tunngasut pillugit paasisutissanik illersuimallutik aningaasatigut soqutigisaat.

Naalackersuisut § 37 malillugu apeqqutit akissuteqarfigineqarnerini paasisutissat nipangiussisimatitsisussaataanermit ilaatinneqarnerat pissutigalugu nipangiutiinnarsinnaangilaat, taarsiulluguli nalunaarutigisinnaallugu paasisutissanik pigisaqartoqartoq pissutsit sukumiinerusumik taaneqartut pissutigalugit ingerlateqqinneqarsinnaangitsunik.

§ 37 malillugu apeqqutit akissuteqarfigineqarnissaannut Naalackersuisut pisussaaffiat naatsorsuutigineqartariaqarpoq qinersinissamik nalunaarutiginnittoqarnerata kingorna atorunnaassasoq, § 37 malillugu apeqqutit qinersinissaq sioqqullugu saqqummiunneqarsimagaluarpataluunniit. Tamanna Inatsisartut Naalackersuisullu pillugit Inatsisartut inatsisaanni § 29 naapertorlugu qinersinissamik nalunaaruteqarnerup kingorna Naalackersuisut Naalackersuisuugallartutuinnaq, taamalu “atorfimmi suliaasat ingerlaannarnissaannut pisariaqartunik taamaallaat suliaqarsinnaasutut”, atuutilernerata malitsigaa.

§ 37 malillugu apeqqutit akissuteqarfigineqarsimanngitsut qinersisoqarnerani atorunnaartarput. § 37 malillugu apeqqutit taamaattut taamaalilluni qinersinerup kingorna Naalackersuisunit nutaanit akissuteqarfigineqartussaangillat nutaamillu saqqummiunneqartariaqarlutik apeqquteqartoq qinigaqqissimappat apeqqutillu akissuteqarfigineqarnissaa suli kissaatigalugu.

#### *§ 2-mut*

Aalajangersakkami siunnersuutip atuutilerfissaa taaneqarpoq. Inatsimmik allanngortitsinerup ulloq 1. juli 2020 atuutilernissaa siunnersuutigineqarpoq.

Inatsisartut Suleriaani atuuttumi § 37-imi allanngortitsinerit, siunnersuummi matumani imm. 5-imut attuumassuteqartut, atuutilernissaat naapertorlugu piffissaq toqqarneqarsimavoq. Inatsisartut Suleriaasiata allanngortinneqarnissaanik siunnersuummi (UKA 2019/26) akuersissutigineqartumi § 2, imm. 2-mi atuutilersitsinissamut aalajangersagaq innersuussutigineqarpoq.